

10067
:145



皇朝文獻通考卷二百三十九

帝系考

臣等謹案周官小史奠繫世辨昭穆帝系所由昉

也司馬遷史記立世表自黃帝以下譜之自時厥

後史表或立或缺不一要夫紹統歷年以及官中

之位號傳世之本支按表而稽斯可指數馬端臨

師其意倣王溥唐及五代會要之體首敘帝王之

姓氏出處及其享國之期改元之數以及各代之

始終次及后妃皇子公主皇族其可考者悉著於



篇前此續編通考自宋迄明並循斯例欽惟
國朝肇基東土奄有方夏

聖神纘承流長源遠加以

宮庭翊贊德懋祉綏不集純釐益昌景運臣等奉
命恭閱宗人府尊藏

帝系

玉牒

國史館

列祖實錄本紀暨我

皇上記注諭旨敬謹編纂依馬端臨通考五朝續通考
分類名目釐爲七卷式彰

洪庥傳於奕世焉

帝號歷年

臣等謹案我

朝誕膺

天眷肇啟

皇圖自

先世發祥長白山之陽

靈符神貺不著休徵泊乎

聖皇圖白

聖相承宏闢疆宇寢熾寢昌垂裕大統恢億萬年無疆之

祚猗歟盛哉亘千古而配兩儀矣臣等恭遵宗人府

帝系敬謹編纂用昭

列聖億萬斯年垂裕盛軌云

皇始祖肇祖原皇帝姓愛親覺羅氏崇德元年四月丙戌

追尊曰

澤王順治五年十一月戊辰恭上

尊號

尊諡

興祖直皇帝

肇祖原皇帝曾孫崇德元年四月丙戌追尊曰

慶王順治五年十一月戊辰恭上

尊號

尊諡

景祖翼皇帝

興祖直皇帝第四子稱寧古塔貝勒崇德元年四月丙戌

追尊曰

昌王順治五年十一月戊辰恭上

尊號

尊諡

顯祖宣皇帝

景祖翼皇帝第四子崇德元年四月丙戌追尊曰

福王順治五年十一月戊辰恭上

尊號

尊諡

太祖承天廣運聖德神功肇紀立極仁孝睿武端毅欽安

弘文定業高皇帝

顯祖宣皇帝長子

聖母宣皇后誕生稱聰睿貝勒癸未

高皇帝起兵削平諸國丙午蒙古五部落來朝尊

高皇帝曰

神武皇帝鴻勳克集帝業已成貝勒大臣勸進丙辰正月

壬申朔恭上

尊號曰

覆育列國英明皇帝建元天命十一年八月庚戌
上賓

聖壽六十有八在位十有一年崇德元年四月丙戌恭上
尊諡曰

承天廣運聖德神功肇紀立極仁孝武皇帝廟號

太祖康熙元年四月丙辰加上

尊諡曰

承天廣運聖德神功肇紀立極仁孝睿武弘文定業高皇
帝雍正元年八月己酉加上

尊諡曰

承天廣運聖德神功肇紀立極仁孝睿武端毅弘文定業

高皇帝乾隆元年三月乙巳加上

尊諡曰

承天廣運聖德神功肇紀立極仁孝睿武端毅欽安弘文

定業高皇帝

恭加上

太祖承天廣運聖德神功肇紀立極仁孝睿武端毅弘文

定業高皇帝尊諡冊文曰

聖德誕敷肇啟萬年之統緒

神功丕煥弘開百世之昇平垂大業於無窮奉鴻名於有

永欽惟

太祖承天廣運聖德神功肇紀立極仁孝睿武弘文定業

高皇帝

智勇性成

聰明天縱

體元立極建經天緯地之功

應運綏猷擴物與民胞之量

聲教訖乎九有文德遐宣

威靈懾乎萬方武功遠震

決機制勝成算如神

置腹推心求賢若渴啟疆宇而立

宗廟制度恢弘相原隰而定邦都規模久遠文同倉史爰

造國書義取卦圖聿修軍制致人心之俟應承

天命之維新緬維

垂統訃謨發祥澤遠上溯開基厚德昌後功宏茲當續緒

之初宜重追崇之典謹奉冊寶增上

尊諡曰

太祖承天廣運聖德神功肇紀立極仁孝睿武端毅弘文
定業高皇帝伏冀

聖鑒長昭

弘庥永被貽博大昌明之運集山陵岡阜之祥

恭加上

太祖承天廣運聖德神功肇紀立極仁孝睿武端毅欽安

弘文定業高皇帝尊諡冊文曰

天開泰運升日馭於東維

帝握乾符建斗樞於北極定萬年之統緒肇百世之昇平

盛業常昭鴻名彌耀欽惟

太祖承天廣運聖德神功肇紀立極仁孝睿武端毅弘文

定業高皇帝

聰明天亶

智勇性成

大德體元參三才而正位

至誠立極周庶務以成能

緯地經天卜世之功曰永

民胞物與肇基之迹方新

聲教訖於四方仰同光被

神武昭於九有望切來蘇台謳頌以歸心集賢才而佐治

國書初設製字母以諧音軍制新頒按卦圖而取義

際

天與人歸之會肇建邦啟土之勳造草昧而大經綸發祥

自遠首庶物而膺圖籙裕後方長緬維

垂統之隆宜極尊崇之禮祇承丕緒敬考彝章謹奉冊寶

增上

尊謚曰

太祖承天廣運聖德神功肇紀立極仁孝睿武端毅欽安

弘文定業高皇帝伏冀

聖鑒長昭

皇圖永固益啟綿長之澤彌臻熙皞之風

建元一 天命十一年

太宗應天興國弘德彰武寬溫仁聖睿孝敬敏昭定隆道

顯功文皇帝

太祖高皇帝第八子

聖母孝慈高皇后誕生稱貝勒天命十一年九月庚午朔
嗣登大位改元天聰以明年為元年十年四月乙酉羣臣表上

尊號曰

寬溫仁聖皇帝建號大清改元崇德八年八月庚午

上賓

聖壽五十有二在位十有七年是年十月丁卯恭上

尊諡曰

應天興國弘德彰武寬溫仁聖睿孝文皇帝廟號

太宗康熙元年四月丙辰加上

尊諡曰

應天興國弘德彰武寬溫仁聖睿孝隆道顯功文皇帝雍

正元年八月巳酉加上

尊諡曰

應天興國弘德彰武寬溫仁聖睿孝敬敏隆道顯功文皇

帝乾隆元年三月乙巳加上

尊諡曰

應天興國弘德彰武寬溫仁聖睿孝敬敏昭定隆道顯功

文皇帝

恭加上

太宗應天興國弘德彰武寬溫仁聖睿孝敬敏隆道顯功
文皇帝尊諡冊文曰

聖人有作贊化育於兩間

至德難名耀聲華於萬世道光簡冊頌溢寰區欽惟

太宗應天興國弘德彰武寬溫仁聖睿孝隆道顯功文皇
帝

覆載同規

中和建極

照臨六合亶成性之聰明

表正萬邦錫自天之勇智

布公誠以待下英俊歸心

施慈惠以寧人蒼黎向化

武功耆定雷霆驅精銳之鋒

文教弘敷日月炳光華之象修明禮制同倫軌於方輿綏

輯要荒萃共球於屬國贊肇基之迹式廓

帝圖恢受命之符彌膺

天眷

耿光大烈已開一統宏模

厚澤深仁遂裕億年景祚欽承不構緬懷

締造之猷思闡

鴻稱莫罄顯揚之願式稽古典爰合僉謀謹奉冊寶增上

尊諡曰

太宗應天興國弘德彰武寬溫仁聖睿孝敬敏隆道顯功

文皇帝伏冀

神靈陟降

緒業昭融恭承

烈祖之庥永篤曾孫之慶

恭加上

太宗應天興國弘德彰武寬溫仁聖睿孝敬敏昭定隆道

顯功文皇帝尊諡冊文曰

神謨丕顯瞻陟降於在天

帝德誕敷仰光華於復旦長垂啟佑遠樹儀型欽惟

太宗應天興國弘德彰武寬溫仁聖睿孝敬敏隆道顯功

文皇帝

乾健偕行

離明普照

道兼作述繼鴻業以開太平

化洽寬仁慰羣黎而均覆幬

任英賢而圖治一德一心

定法制以宜民同倫同軌

文思廣被耀海隅出口之鄉

聖武布昭震漠外無雷之域決策而平遼右龍起雲從移

師以討朝鮮風行草偃三十五部咸抒貢琛獻寶之

誠億萬斯年永承

受錄膺圖之緒

大勳丕集皇哉迹廓肇基

景命維新赫矣功先定鼎鴻猷偉績崇

太室於不祧厚澤深仁覺

徽稱之莫罄式遵彝典爰合僉謀謹奉冊寶增上

尊諡曰

太宗應天興國弘德彰武寬溫仁聖睿孝敬敏昭定隆道

顯功文皇帝伏冀

耿光俯燭

繁祉鴻綏鑿繩武之徵忱介錫齡之遐福

改元二 天聰十年崇德八年 天聰十年即崇德元年

世祖體天隆運定統建極英睿欽文顯武大德弘功至仁

純孝章皇帝

太宗文皇帝第九子 景福元年

聖母孝莊文皇后誕生正月十三日

萬壽聖節崇德八年八月丁亥嗣登大位改元順治以明

年為元年時流寇肆逆明祚已終入關靖寇建都

燕京天下傳檄底定六齡踐阼八年

親政十八年正月丁巳

上賓

聖壽二十有四在位十八年是年三月癸酉恭上

尊諡曰

體天隆運英睿欽文大德弘功至仁純孝章皇帝廟號

世祖雍正元年八月己酉加上

尊諡曰

體天隆運定統建極英睿欽文大德弘功至仁純孝章皇

帝乾隆元年三月乙巳加上文大德弘功至仁純孝
尊諡曰

體天隆運定統建極英睿欽文顯武大德弘功至仁純孝
章皇帝

恭加上

世祖體天隆運定統建極英睿欽文大德弘功至仁純孝
章皇帝尊諡冊文曰

聖德光昭長衍萬年之景運

神功莫定宜崇百世之鴻稱大一統以貽庥式九圍而立

極功弘啟祐禮重顯揚欽惟

世祖體天隆運英睿欽文大德弘功至仁純孝章皇帝

表正萬邦

首出庶物

精明果毅智勇本於性成

中正齊莊神靈由於天授擴

祖宗之弘業同軌同倫統華夏以歸心來王來享明禋昭

事精誠允格乎

蒼穹

駿烈纘承孝享實孚於

清廟隆

慈闈之尊養視膳問安普宗族之恩施明倫敦本時
頒解澤大地回春屢

諭祥刑普天向化登兆人於衽席躋寰寓於雍熙積十八
載之惕厲憂勤開億萬年之豐亨豫大緬懷

盛德繩

祖武於方新祗述

鴻規詒孫謀於盡善謹奉冊寶增上

尊諡曰

世祖體天隆運定統建極英睿欽文大德弘功至仁純孝
章皇帝伏冀

鑒觀有赫

默佑無窮永貽昌大之祥益啟昇平之祚

恭加上

世祖體天隆運定統建極英睿欽文顯武大德弘功至仁
純孝章皇帝尊諡冊文曰
聖人首出開景運於萬年

至德光昭享鴻稱於百世式九圍而立極大一統以垂庥
禮重顯揚業崇簡冊欽惟

世祖體天隆運定統建極英睿欽文大德弘功至仁純孝
章皇帝

道貫百王

功垂萬世

照臨六合直成性之聰明

表正萬邦錫自天之勇智敷同軌同倫之治肇造鴻基萃

來王來享之忱長貽燕翼敬

大而虔昭事允秉精誠法

祖而篤顯承聿彰仁孝奉

慈闈而侍養備極隆儀恤宗族以敦倫頻施曠典深仁厚

澤率土均霑善俗宜民敷天共戴擴

祖宗之宏業統華夏以歸心受命則惕厲憂勤圖治於十

有八載啟後則親賢樂利衍慶於億萬斯年緬懷締

造之謨欽承丕構莫罄頌揚之願敬薦徽稱謹奉冊

寶增上

尊諡曰

皇朝文獻通考 卷三百三十九
世祖體天隆運定統建極英睿欽文顯武大德弘功至仁
純孝章皇帝伏冀

鑒觀有赫

默佑無窮恭承

烈祖之麻永篤曾孫之慶

改元一 順治十八年

聖祖合天弘運文武睿哲恭儉寬裕孝敬誠信中和功德

大成仁皇帝

世祖章皇帝第三子

聖母孝康章皇后誕生三月十八日

萬壽聖節順治十八年正月己未嗣登大位改元康熙以

明年爲元年時八齡踐阼奉

世祖遺詔以四大臣輔政至六年七月己酉

躬親大政六十一年十一月甲午

上賓

聖壽六十有九在位六十一年雍正元年二月己巳恭上

尊諡曰

合天弘運文武睿哲恭儉寬裕孝敬誠信功德大成仁皇

帝廟號

聖祖乾隆元年三月乙巳加上

尊諡曰

合天弘運文武睿哲恭儉寬裕孝敬誠信中和功德大成
仁皇帝

康熙二十年十二月癸巳王大臣九卿等以滇逆

盪平請上

尊號

上諭大憝既除寰宇底定君臣之間宜益加修省恤兵養

民布宣德化共致太平其上尊號之事斷不可行

二十二年十月丁未九卿等以海寇底定請上

尊號

上諭臺灣僅彈丸之地得之無所加不得無所損若稱尊

號卽入於矜張粉飾矣不必行

二十六年正月喀爾喀土謝圖汗察罕車臣汗諾

爾布及七旗濟農台吉等請上

尊號

上諭喀爾喀諸汗貝勒等恪恭敬慎具悉惻枕宜仰體朕

皇朝文獻通考 卷三百三十九
一視同仁無分中外至意謹識朕諭和之旨自茲以後
無相侵擾親睦雍和永享安樂更甚於上朕尊號也所
請不准行

三十六年六月庚戌王貝勒貝子公滿漢文武諸
臣及士民等以平厄魯特噶爾丹請上

聖神文武大德廣運尊號

上諭朕御極四十年自始至終孜孜不倦方今外寇既靖
正宜休養生息徒加尊號何益於治不必行毋復再奏
四十一年十二月壬辰王貝勒貝子公大學士九

卿文武諸臣及士民等以明年

皇上五十萬壽請上

尊號

上諭朕卽位四十餘年未嘗一刻不以民生休戚爲念遠
邇安寧爲本若誇耀功德取一時之虛名大非朕意不
必敷陳諸王大臣等再三奏請終不允

五十年三月庚寅王貝勒貝子公大學士九卿文
武諸臣及士民等以恭遇

萬壽聖節請上

聖神文武大德廣運尊號

上諭朕自幼讀書歷觀經史持身務以誠敬為本治天下務以寬仁為尚此心此念恪守五十年夙夜無間即纖悉細務不敢稍有怠忽朕之御極年久皆

祖宗厚德景福積厚留貽之所致至於請上尊號特虛文耳於朕躬毫無裨益所奏知道了

五十一年十一月己亥王貝勒貝子公文武諸臣

等以明年

皇上六旬萬壽請上

聖神文武大德廣運尊號

上諭朕臨莅日久每於讀書鑒古之餘念君臨天下之道惟以實心為本以實政為務若侈陳功德加上尊號以取虛名無益治道朕所不喜前諸王大臣等屢有奏請朕曾手書批示諭以斷不允行前旨甚明所奏知道了

六十年三月己丑王貝勒貝子公滿漢大臣文武百官等請上

聖神文武欽明睿哲大孝弘仁體元壽世至聖皇帝尊號上諭從來所上尊號乃歷代相沿陋習本朝受命以來惟

以愛養萬民爲務今當修省圖治加惠黎元所奏慶賀
無益不准行

恭加土

聖祖合天弘運文武膚哲恭儉寬裕孝敬誠信功德大成

仁皇帝尊諡冊文曰

乾符廣運超萬古而獨隆

鴻號丕昭配兩儀而並立

創垂永賴

魏蕩難名欽惟

皇考大行皇帝

道貫三才

恩涵九有

冲齡繼序肇增昭代之弘模

久道化成式廓熙朝之景運

敬

天

法

祖盡制盡倫濟世安民允文允武極孝思於尊養

郊

廟尤虔篤慈愛於宗支勲賢必恤用人立政欽明被四表
之光赦罪蠲租怙冒溥萬方之澤禮樂興而刑罰措水
旱弭而河嶽靈旣好生之如天復神武而不殺兵威所
指反側皆消

廟算在心遐荒永靖收歷代未收之屬國闢從來未闢之
輿圖治河則神謨捷於禹功

巡狩則懿德多於周頌

誕敷文教

幸魯而崇萬世之師

勤御講筵尊朱以表六經之學金聲玉振帝王集其大成
精義入神道德通於游藝綜六十餘年之謨烈美不勝
書稽三百一帝之簡編古來未有唯手定長治久安之
天下而心懷憂勤惕厲以終身仰

靈爽之式憑考彝章而肆祀僉謂席守成而兼開創統中
外以定太平

功高百世而不祧禮洽羣情而稱

祖

中和建極聖則大而化之

乾健體元仁者善之長也敬備顯揚於

君父敢伸昭告於神明謹奉冊寶上

尊諡曰

合天弘運文武睿哲恭儉寬裕孝敬誠信功德大成仁皇

帝廟號

聖祖於戲

秉謙德於生前屢辭

尊號定

徽稱於今日彌切追思伏冀於昭于天克昌厥後

紹庭陟降賴申錫於無疆

入廟顯承稟鑒觀之有赫永綏奕祀式荷

弘庥

恭加上

聖祖合天弘運文武睿哲恭儉寬裕孝敬誠信中和功德

大成仁皇帝尊諡冊文曰

聖德同天駿烈常垂於百世

仁恩浹地鴻稱永著於千秋萬方之元化周流五紀之太

和洋溢光昭啟佑禮重顯揚欽惟

聖祖合天弘運文武睿哲恭儉寬裕孝敬誠信功德大成
仁皇帝

道備中和

功隆化育

勵精圖治統經文緯武以宣猷

久道化成兼繼往開來而立極邁百王而獨盛廣運彌神
超千古以加隆大成集聖敬

天立政時時弗釋夫憂勤法

祖誠民事事務歸於寬大定三逆而平絕塞克成不世之

膚功蠲舊賦而緩新征疊沛無窮之惠澤六十一年

宵衣旰食總萬幾而日昃不遑千八百國樂業安居

熙庶績而耄期不倦溯自眇躬之冲幼卽蒙鞠育於

宮闈

聖訓親承憶音容而如昨

祖庭遠隔瞻色笑以何從敬紹丕基詒孫謀於盡善緬懷

盛德崇顯號於方新式考典章肅將忱悃謹奉冊寶增上

尊諡曰

聖祖合天弘運文武睿哲恭儉寬裕孝敬誠信中和功德大成仁皇帝伏冀

神靈陟降

緒業昭融永貽昌大之祥長享昇平之福

改元一 康熙六十一年

世宗敬天昌運建中表正文武英明寬仁信毅大孝至誠

憲皇帝

聖祖仁皇帝第四子

聖母孝恭仁皇后誕生十月三十日

萬壽聖節康熙三十七年三月丁丑封

多羅貝勒四十八年十月戊午晉封

和碩雍親王康熙六十一年十一月辛丑嗣登大位改元

雍正以明年為元年十三年八月己丑

上賓

聖壽五十有八在位十三年是年十一月丁未恭上

尊諡曰

敬天昌運建中表正文武英明寬仁信毅大孝至誠憲皇

帝廟號

世宗

恭上

世宗敬天昌運建中表正文武英明寬仁信毅大孝至誠
憲皇帝尊諡冊文曰
至德同天裕鴻模於萬世

深恩浹地垂駿烈於千秋揚

顯號以薦徽稱考彝章而崇殷禮光昭寶冊輝映瑤圖欽

惟

皇考大行皇帝

道協清寧

功隆位育

敬

天而虔昭事孚精意於

郊壇

法

祖而篤顯承致孝忱於

廟祏紹中天之景運開奕代之昌期精一傳心建大中而
出治蕩平立極居至正以表邦敷文則重道尊師宏

作人之雅化振武則安邊懷遠恢保泰之神謨天宣
聰明坐照靡遺於庶物性成英睿淵衷遠徹於萬方
御衆以寬而蠲賦省刑共沐仁恩之浩蕩示民有信
而敦化善俗咸欽毅力之甄陶益本

大孝不匱之思善繼以成夫善述且運

至誠無息之用實政而體以實心乃至瑞集苞符海宇之
禎祥畢致誠輸職貢梯航之琛賚胥來而乃謙挹彌
深憂勤益勵

朝乾夕惕弗釋一二日兢兢業業之心

旰食宵衣用成十三載蕩蕩巍巍之治樹百王之模範言
言寶鑑丹書傳百代之章程事事金科玉律有典有
則永垂裕於後昆是訓是行敬率由於成憲茲博詢
夫公議期允愜於輿情

尊諡

憲皇實符

盛烈載稽往籍式考禮經宗堯宗禹宗湯廟貌宗尊於有
德世道世法世則烝嘗世奉於不祧殷美三宗宜肇
禮宗之典周崇世室爰開卜世之祥配

列祖於在天薦

世宗之新廟合朝野僉謀而悉協揆古今通議而交孚謹

奉冊寶恭上

尊諡曰

敬天昌運建中表正文武英明寬仁信毅大孝至誠憲皇

帝廟號

世宗惟耿光大烈之常昭冀景福純庶之茂介伏祈

昭格俯賜

鑒臨

改元一 雍正十三年

今上皇帝

世宗憲皇帝第四子

聖母孝聖憲皇后誕生八月十三日

萬壽聖節雍正十一年二月乙未封

和碩寶親王雍正十三年九月紹登大寶改元乾隆以

明年為元年

乾隆十四年二月己亥王大臣等以平定金川請

上

尊號奉

旨不用

二十年五月乙未王大臣等以平準噶爾請上

尊號奉

旨不用

二十四年十月壬寅王大臣等以平回部請上

尊號

上諭諸王大臣等以巴達克山汗素爾坦沙投誠逆尊

小和卓木授首準噶爾全局大定具表奏賀並請加

上尊號雖稱援據典章而朕功成祇懼彌切於懷豈肯崇尙虛文勉從所請西陲一事仰賴

上天福佑

宗社鴻庥殊勲速奏隸版籍者二萬餘里治軍書者不及

五年載籍以來實罕有倫比而朕所深用恆心者乃

不在遠圖之式廓而在

先烈之克成欽惟

皇考付畀朕躬夙夜勉圖繼述矧在蚤年備承

皇祖眷顧優隆每遇軍國重務卽令面聆

聖訓籌畫是朕躬之仔肩倍重而續緒者亦倍艱今以數載間運籌決策之勞克全我

兩朝撻伐綏遐之畧返衷自問差可無負燕詒者當在於是故非好大喜功之爲見也我

皇祖聖德神功超越萬古戡定殊勲炳於史冊廷臣請上尊號尙未允行乃者關門以西迄乎大漠雖通亘古未通之境究以國家全盛餘力及之視當年之事會稍需刻難中輟者其緩急豈重固不可同年語矣然方其罪人未得朕斷不因_云廷畏憚輒事苟安若逆渠旣

獻馘告功則國法用申而軍威自無可極是以富德奏捷尙請追索鄂斯滿阿布都海里二人以絕根株朕以成事已歲卽傳諭飭止之固不能惑於築室之謀亦豈或蹈夫佳兵之戒所謂行乎不得不行止乎其所當止無成心也茲功成事定惟欽遵

祖宗之心法益深兢業耳所有王大臣等加上尊號之請不必行

朝文獻通考卷二百三十九

皇朝文獻通考卷二百四十一
帝系考

太皇太后

皇太后

臣等謹案螽斯衍慶瓜瓞綿長萬福之原首隆懿

範我

朝

慈宮曼壽色養含飴

徽音遠紹

家法具有逮我

孝聖憲皇后璇闈篤祐履順垂模備福壽者八十六年度

孝養者四十二載

五世一堂臚歡舞綵

尊親愛戴式煥彤編謹案年恭錄以昭

母儀之盛於萬古云

孝端文皇后博爾濟吉特氏科爾沁貝勒莽古思女崇德

元年以嫡妃

冊立為

清寧中宮后八年八月

世祖登極尊

母后孝端文皇后為

皇太后順治六年四月乙巳崩七年二月丁亥恭上

尊諡曰

孝端正敬仁懿莊敏輔天協聖文皇后雍正元年八月己

酉加上

尊諡曰

孝端正敬仁懿哲順莊敏輔天協聖文皇后乾隆元年三

月乙巳上

尊諡曰

孝端正敬仁懿哲順慈禧莊敏輔天協聖文皇后

恭上

孝端正敬仁懿莊敏輔天協聖文皇后尊諡冊文曰壺闈

著

聖善之儀凝禧未艾典禮重徽懿之報備物宜隆聿示來

茲用光前美恭惟

皇妣大行皇太后安貞應地敬順承天佐

先皇致治之功啟冲子繼承之業方竭誠於奉養忽抱痛

於升遐爰考舊章博咨公議用申哀慕式表尊崇謹奉

冊寶上

尊諡曰

孝端正敬仁懿莊敏輔天協聖文皇后薦顯號於几筵垂

休有永昭鴻名於簡冊錫祐無疆

恭加上

孝端正敬仁懿哲順莊敏輔天協聖文皇后尊諡冊文曰

配天立極表地道之安貞

皇朝文獻通考 卷二百四十一
儷曰揚光彰壺儀之雝

徽音弗替

顯號宜加欽惟

孝端正敬仁懿莊敏輔天協聖文皇后

敬慎溫恭

含弘光大

範高蘭掖邁夏室之塗山

德冠璇閨媿周家之渭浹

勤勞成性心罔軼於箴規

節儉持身動必遵乎律度鳴雞警戒助

當宁之求衣佩帨從容向

闕官而潔藻王階金卮聿傳溫惠之風綺殿珠宮式著

齊莊之範承

文皇齊家之化業贊時雍逮

世祖御極之期禮隆孝養屬當冲眇初荷鴻基追

椒壁之遺芳捧瑤函而頌美謹奉寶冊增上

尊諡曰

孝端正敬仁懿哲順莊敏輔天協聖文皇后伏冀

慈靈降鑒厚澤凝庥恒衍慶於紫宸永揚名於彤管

恭加上

孝端正敬仁懿哲順慈禧莊敏輔天協聖文皇后尊諡冊

文曰

配天贊化萬年昭永肅之儀

應地含章奕葉仰安貞之德載隆

顯號遙頌

徽音欽惟

孝端正敬仁懿哲順莊敏輔天協聖文皇后

位正坤寧

功參乾始

溫恭成性關雎傳藹吉之心

敬慎流徽綸翟仰端凝之度

貴而能儉猶時御平弋綈

尊不忘勤每自成夫締綌警

六宮之傳漏恒襄問夜於未央欽

九廟之薦馨克佐孝思於不匱玉階金屺聿宣仁惠之風

椒殿珠宮益溥和平之化際

文皇開創之日久著贊襄當

世祖臨御之年備崇尊養顧惟冲眇遙荷華宣之惠之恩暉膺續緒於維新緬流芳於勿替謹奉冊寶增上

尊諡曰

孝端正敬仁懿哲順慈禧莊敏輔天協聖文皇后伏冀

慈愛昭垂

純禧默佑永啟鴻基於奕世長綿餘慶於萬年

孝莊文皇后博爾濟吉特氏科爾沁貝勒寨桑女崇德元

五年封

永福宮莊妃誕育

世祖順治元年尊

聖母孝莊文皇后爲

皇太后八年

世祖親政二月戊子恭上

聖母

尊號

徽號曰

昭聖慈壽皇太后是年八月乙丑以

皇朝文獻通考卷二百四十一
大婚禮成加上

徽號曰

昭聖慈壽恭簡皇太后十一年六月己卯以

冊立

皇后加上

徽號曰

昭聖慈壽恭簡安懿皇太后十三年十二月丁酉以封

皇貴妃加上

徽號曰

昭聖慈壽恭簡安懿章慶皇太后

聖祖嗣位康熙元年十月癸卯恭上

尊號

徽號曰

昭聖慈壽恭簡安懿章慶敦惠太皇太后四年九月戊申

以

大婚禮成加上

徽號曰

昭聖慈壽恭簡安懿章慶敦惠温莊太皇太后六年十一

躬親大政加上

徽號曰

昭聖慈壽恭簡安懿章慶敦惠溫莊康和太皇太后十五

年正月甲午以立

皇太子加上

徽號曰

昭聖慈壽恭簡安懿章慶敦惠溫莊康和仁宣太皇太后

二十年十二月癸卯以滇逆盪平加上

徽號曰

昭聖慈壽恭簡安懿章慶敦惠溫莊康和仁宣弘靖太皇

太后二十六年十二月己巳崩二十七年十月乙卯恭上

尊諡曰

孝莊仁宣誠憲恭懿翼天啟聖文皇后雍正元年八月己

酉恭加上

尊諡曰

孝莊仁宣誠憲恭懿至德翼天啟聖文皇后乾隆元年二

月乙巳恭加上

尊諡曰

孝莊仁宣誠憲恭懿至德純徽翼天啟聖文皇后

恭上

昭聖慈壽皇太后尊號冊文曰開國承家道莫先於立愛

正名定位禮莫大於尊親子有至情古垂彝憲宜登

崇號以表化原恭惟

聖母體備含弘性成聖善克恭儉而襄大業秉慈惠而諧

六官祐既篤於家邦祥乃鍾於繼嗣恩勤顧復丕殫鞠

子之勞啟迪訓行備示作君之則坤教彰於率土

母儀式於九圍至德難名莫罄揄揚之實深恩罔報圖申

尊養之誠爰順輿情肇隆盛典謹告

天

地

宗廟

社稷率諸王貝勒文武羣臣恭奉冊寶上

尊號曰

昭聖慈壽皇太后伏願凝和履泰燕子詒孫德位兼崇錫

鴻禧於四海天人協慶介眉壽於萬年寶文曰

昭聖慈壽皇太后之寶

恭上

昭聖慈壽恭簡皇太后徽號冊文曰

聖化啟自宮闈肇修嘉禮盛典隆於尊養加上

徽稱萬國翔歡羣工胥慶恭惟

聖母昭聖慈壽皇太后翼襄

皇考篤育眇躬大婚之禮既彰

慈訓之恩益懋謹告

天

地

宗廟

社稷率諸王貝勒文武羣臣恭奉冊寶加上

徽號曰

昭聖慈壽恭簡皇太后伏願太平有象

聖壽無疆鼎歷綿延於萬年本支丕承於奕世寶文曰

昭聖慈壽恭簡皇太后之寶

恭上

昭聖慈壽恭簡安懿皇太后徽號冊文曰

恩深顧復隆聖善之徽音

德懋安貞協尊親之大典喜諧宮壺慶溢庭闈欽惟

聖母昭聖慈壽恭簡皇太后仁孝為儀含弘作則劬勞豫

教既開國以承家鄭重好述俾詒孫而燕子璇宮玉食

寧申愛養之誠

懿號鴻名庶備顯揚之禮謹告

天

地

宗廟

社稷率諸王貝勒文武羣臣恭奉冊寶加上

徽號曰

昭聖慈壽恭簡安懿皇太后伏願

洪庥滋至

眉壽無疆合六宇之臣民同欣厚載衍萬年之鼎祚永介

純禧寶文曰

昭聖慈壽恭簡安懿皇太后之寶

恭上

昭聖慈壽恭簡安懿章慶皇太后徽號冊文曰

慈恩罔極祇深愛戴之忱

盛德難名益肅尊崇之典澤流寰海喜溢宮庭欽惟

聖母昭聖慈壽恭簡安懿皇太后道合坤貞功參乾始茂
膺

純嘏既錫祚於眇躬特簡賢媛俾協襄乎內治問安視膳
莫伸養志之微誠顯號隆儀用表

徽音之備美謹告

天
地

宗廟

社稷率諸王貝勒文武羣臣恭奉冊寶加上

徽號曰

昭聖慈壽恭簡安懿章慶皇太后伏願福增瑤牒瑞靄

萱闈如月之恒

燕翼祥開百世唯仁者壽

翟瑜輝映千秋寶文曰

昭聖慈壽恭簡安懿章慶皇太后之寶

恭上

昭聖慈壽恭簡安懿章慶敦惠太皇太后徽號冊文曰昌
源茂衍荷

慈訓之詒謀景歷初膺奉

彝章而晉號歡騰宮籙慶洽寰區欽惟

聖祖母昭聖慈壽恭簡安懿章慶皇太后至仁厚德配地

承天輔

皇祖以式廓丕基懋著肅雝之化啟

皇考而載恢大業益隆聖善之規顧眇躬之嗣纘鴻猷賴
懿教之恩隆訓迪敬循顯揚之典用抒孝養之忱謹告

天

地

宗廟

社稷率諸王貝勒文武羣臣恭奉冊寶加上

徽號曰

昭聖慈壽恭簡安懿章慶敦惠太皇太后伏願休徵滋至
純嘏彌增縣鶴算於無疆耀鴻名於有永寶文曰

昭聖慈壽恭簡安懿章慶敦惠太皇太后之寶

恭上

昭聖慈壽恭簡安懿章慶敦惠温莊太皇太后徽號冊文
曰肇修內政基風化之大原隆上

徽稱著

詒謀之有本歡騰朝野慶溢邇遐欽惟

聖祖母昭聖慈壽恭簡安懿章慶敦惠太皇太后純德安

貞至仁厚載恭勤佐治贊

皇祖以式闢丕基聖善垂庥啟

皇考以恢弘大業顧眇躬之纘承統緒賴

懿訓而期致太平爰及嘉禮之成宜進尊崇之典謹告

天

地

宗廟

社稷率諸王貝勒文武羣臣恭奉冊寶加上

徽號曰

昭聖慈壽恭簡安懿章慶敦惠温莊太皇太后伏願

慈恩益溥

介祉彌增合四海之歡心長欣怙戴庇萬年之鼎祚茂衍

昌隆臣不勝惓惓之至寶文曰

皇朝文獻通考 卷二百四十一
昭聖慈壽恭簡安懿章慶敦惠溫莊太皇太后之寶

恭上

昭聖慈壽恭簡安懿章慶敦惠溫莊康和太皇太后徽號

冊文曰世德攸垂贊化惟資內治壺儀夙著尊

親必上隆稱宮掖歡騰臣民喜溢欽惟

聖祖母昭聖慈壽恭簡安懿章慶敦惠溫莊太皇太后至

仁厚載純德資生佐

皇祖以肇基積慶有本啟

皇考而纘緒盛業彌光延及眇躬撫有寧成之運溯茲熙

治實為厚德之詒今當親政之時宜晉顯揚之號謹告

天

地

宗廟

社稷率諸王貝勒文武羣臣恭奉冊寶加上

徽號曰

昭聖慈壽恭簡安懿章慶敦惠溫莊康和太皇太后伏願

鴻禧丕茂眉壽無疆綿歷服於萬年永介升恒之祉敦本

支於百世長昭昌熾之祥寶文曰

昭聖慈壽恭簡安懿章慶敦惠溫莊康和太皇太后之寶

恭上

昭聖慈壽恭簡安懿章慶敦惠溫莊康和仁宣太皇太后

徽號冊文曰

徽音錫祚啟萬年昌後之祥

顯號揚庥合四海尊親之戴慶流寰宇喜溢宮闈欽惟

聖祖母昭聖慈壽恭簡安懿章慶敦惠溫莊康和太皇太

后德協坤元祉隆天祐贊襄

祖烈垂奕葉而不顯丕承燕翼孫謀繼重熙而卜年卜世

茲者祇遵

慈命建立元儲仰惟垂裕之深恩肅舉顯揚之鉅典謹告

天

地

宗廟

社稷率諸王貝勒文武羣臣恭奉冊寶加上

徽號曰

昭聖慈壽恭簡安懿章慶敦惠溫莊康和仁宣太皇太后

伏願

洪庥游至

景福彌隆長介

壽祺茂恒升於有永備膺

純嘏縣歷服於無疆寶文曰

昭聖慈壽恭簡安懿章慶敦惠溫莊康和仁宣太皇太后
之寶

恭上

昭聖慈壽恭簡安懿章慶敦惠溫莊康和仁宣弘靖太皇
太后徽號冊文曰

厚德發祥錫中天之景命

鴻稱歸美合萬國之歡心

宗社凝庥家邦衍慶欽惟

聖祖母昭聖慈壽恭簡安懿章慶敦惠溫莊康和仁宣太

皇太后仁恩持載聖則含弘澤上際而下蟠運開昌歷化

東漸而西被功出

慈宸乃者逆賊背恩亂常干紀遂致八年之久重貽

聖善之憂賴光訓之昭宣屬兵戈之永戢太平有象彌彰

燕翼之勤

盛德難名莫罄尊親之戴謹告

天

地

宗廟

社稷率諸王貝勒文武羣臣恭奉冊寶加

徽號曰

昭聖慈壽恭簡安懿章慶敦惠溫莊康和仁宣弘靖太皇

太后伏願永隆啟佑長享怡愉縣寶祚於重闈

福延奕世綏皇圖於函宇

壽並兩儀贊文曰

昭聖慈壽恭簡安懿章慶敦惠溫莊康和仁宣弘靖太皇

太后之寶

恭上

孝莊仁宣誠憲恭懿翼天啟聖文皇后尊謚冊文曰

坤順承

天脈地大曰太皇太后

懿德肇興夫鴻業萃亨假

廟隆稱永式於明禋將崇

升祔之儀宜備

顯揚之典欽惟

皇祖妣大行太皇太后

徽音集慶

厚德凝符同媯汭以鍾靈並洽陽而著範歸我

太宗文皇帝當金璽來嬪之日正珣戈啟土之年內治克

襄

帝圖式廓格精誠於

九廟化洽蘋蘩敷陰禮於六宮祥徵種稷篤生

世祖章皇帝永清四海本胎教之虔恭協正三辰奉

母儀之雍肅每紆

睿照瞻青原蒨屋之艱實沛洪仁頒紅粟太倉之賜歡騰

扶杖惠溢歌衢爰逮眇躬益彰

慈訓秉三十年之

聖善克致太平溥億兆姓之和恒長開景運懿筐載績勤

勞不替於重闈大練垂裳節儉每先於下土萬國共尊

親之戴

兩朝備孝養之隆

壽考康寧福駢臻於箕範

含弘光大德莫罄於義圖方承

愛日之歡遽邁

升遐之痛終天銜恤率土均哀深維

篤祐所由來永念

發祥之有自爰咨輿論請命於

天謹奉冊寶上

尊諡曰

孝莊仁宣誠憲恭懿昭聖天啟聖文皇后於歲周室展閱宮

之祀禮載升歌漢廷表長樂之儀史傳新注伏冀

慈靈可接陟降在茲必得其名垂休聲於瓊爻克昌厥後

流餘慶於球圖彤管常新瑤函永煥

恭加上

孝莊仁宣誠憲恭懿至德翼天啟聖文皇后尊諡冊文曰

道符內則垂芳範於千秋

德懋母儀享鴻聲於

九廟几筵增煥典冊攸新欽惟

孝莊仁宣誠憲恭懿翼天啟聖文皇后

應地含章

配天贊化

仁弘逮下關雎傳和藹之心

禮重正家禴翟仰端凝之度宵衣旰食常參變伐之勲廣

運承乾每佐

憂勤之治誕我

世祖章皇帝鍾祥啟運

善教凝庥八埏歸王會之圖四海戴

慈闈之澤逮我

聖祖仁皇帝神姿睿哲彌資

鞠育之深恩至孝感孚不受綿長之介福備

兩朝之尊養運啟羲農裕奕葉之詒謀名高任姒顧惟冲

眇夙荷

恩輝茲當繼序之初爰切追崇之義謹奉冊寶增上

尊諡曰

孝莊仁宣誠憲恭懿至德翼天啟聖文皇后伏冀

長綏純嘏

俯鑒精誠歷百世之太支篤萬年之慶譽

恭加上

孝莊仁宣誠憲恭懿至德純徽翼天啟聖文皇后尊諡冊

文曰

範高蘭掖遠垂內則之芳型

德冠珠宮遙溯母儀之令望肅瞻

玉几虔奉瑤函欽惟

孝莊仁宣誠憲恭懿至德翼天啟聖文皇后

柔順流徽

安貞作則

宏綬福履璇閨傳樛木之仁

茂著臧嘉綺殿被葛覃之化

正位乎內克佐櫛風沐雨之勲

長發其祥爰徵繞電流虹之瑞誕我

世祖章皇帝鍾靈毓秀受籙膺圖敷天蒙

聖善之庥率土頌

仁慈之澤洎乎

聖祖彌資

鞠育深恩逮及

世宗備舉欽崇鉅典統

兩朝之孝養受福綿長極

三世之尊親垂光奕葉顧惟冲藐不繼鴻基緬懷

懿德於千秋載頌徽音於

九廟謹奉冊寶增上

尊諡曰

孝莊仁宣誠憲恭懿至德純徽翼天啟聖文皇后伏冀

慈靈垂裕

純嘏凝禧永懸佑啟於萬年長篤阜安於百世

孝惠章皇后博爾濟吉特氏科爾沁多羅貝勒原封鎮國

公綽爾濟女順治十一年六月甲戌

冊立爲

皇后

聖祖登極康熙元年十月癸卯恭上

母后孝惠章皇后

尊號

徽號曰

仁憲皇太后四年九月戊申以

皇朝文獻通考 卷二百四十一
大婚禮成加上

徽號曰

仁憲恪順皇太后六年十一月丁巳以

躬親大政加上

徽號曰

仁憲恪順誠惠皇太后十五年正月甲午以立

皇太子加上

徽號曰

仁憲恪順誠惠純淑皇太后二十年十二月癸卯以滇遊

盪平加上

徽號曰

仁憲恪順誠惠純淑端禧皇太后五十六年十二月丙戌

崩五十七年三月辛酉恭上

尊諡曰

孝惠仁憲端懿純德順天翼聖章皇后雍正元年八月己

酉加上

尊諡曰

孝惠仁憲端懿慈淑純德順天翼聖章皇后乾隆元年三

月乙巳加上

尊諡曰

孝惠仁憲端懿慈淑恭安純德順天翼聖章皇后

恭上

仁憲皇太后徽號冊文曰德弘寶祚啟萬年顯世之符禮

重徽稱合四海尊親之戴喜諧禁籙慶溢寰區欽惟

母后皇后柔順承天安貞配地贊襄

皇考敷內治而化洽宮庭撫育眇躬紹丕基而

恩深訓迪仰

貴妃雍正二年六月尊封

皇考皇貴妃乾隆元年十一月尊封

皇祖壽祺皇貴太妃八年七月諡

皇祖愨惠皇貴妃

慧妃科爾沁博爾濟吉特氏三等台吉阿郁錫女康熙

九年五月追封

惠妃納喇氏郎中索爾和女康熙十六年八月封

惠嬪二十年十二月晉封

惠妃

宜妃郭囉羅氏佐領三官保女康熙十六年八月封
宜嬪二十年十二月晉封

宜妃 順治九年八月封

榮妃馬佳氏員外郎蓋山女康熙十六年八月封

榮嬪二十年十二月晉封 二十五年六月追封

榮妃

平妃赫舍哩氏領侍衛內大臣承恩公噶布拉女康熙

二十五年六月追封

敏妃章佳氏叅領海寬女康熙三十八年七月追封雍

慶之禮宜宏

聖善之稱謹告

天

地

宗廟

社稷率諸王貝勒文武羣臣恭奉冊寶加上

徽號曰

仁憲恪順皇太后伏願長凝

介祉永錫

壽祺

徽音似續於千秋

陰教欽崇於四海寶文曰

仁憲恪順皇太后之寶

恭上

仁憲恪順誠惠皇太后徽號冊文曰

聖善垂謨立政宜先孝治

徽音克嗣尊

親應上鴻名欣洽宮闈頌盈寰宇欽惟

母后仁憲恪順皇太后仁慈天植淑惠性成離肅揚徽相
皇考而表儀天下燕詒作訓迪眇躬以寧輯四方今當親
政之時宜晉尊崇之典謹告

天

地

宗廟

社稷率諸王貝勒文武羣臣恭奉冊寶加上

徽號曰

仁憲恪順誠惠皇太后伏願永綏

多福垂裕後昆長享

壽祺鞏千秋之大業永安敬養合萬國之歡心寶文曰

仁憲恪順誠惠皇太后之寶

恭上

仁憲恪順誠惠純淑皇太后徽號冊文曰

慈徽啟後衍景祚於洪圖

懿範垂庥晉隆名於鉅典歡盈朝野慶洽宮闈欽惟

聖母仁憲恪順誠惠皇太后德茂安貞仁符厚載勤宣內

治佐

皇考以詒謀懋著

母儀訓眇躬而敷政茲元儲之懋建宜

顯號之崇加謹告

天

恭上

地

宗廟

社稷率諸王貝勒文武羣臣恭奉冊寶加上

徽號曰

仁憲恪順誠惠純淑皇太后伏願茂增

福嘏益介
壽祺彤管揚輝

令聞丕光於四海璇宮迪吉

彝章永播於萬年寶文曰

恭上

仁憲恪順誠惠純淑端禧皇太后徽號冊文曰
慈懿垂裕符泰運於三階鴻號顯揚播
徽音於萬國承顏有喜介福無疆欽惟

母后仁憲恪順誠惠純淑皇太后德備安貞道借博厚
仁庥錫祉衍家邦昌熾之祥

壽域凝和洽海宇清寧之慶乃者逆渠犯順邊徼弗寧仰
賴

弘慈聿臻大定獲際昇平之誕奏爰晉崇顯之
隆稱謹告

天

地

宗廟

皇朝文獻通考 卷二百四十 五
社稷率諸王貝勒文武羣臣恭奉冊寶加上

徽號曰

仁憲恪順誠惠純淑端禧皇太后伏願

純嘏彌增

嘉徵海至共球咸集九州奉尊養之歡文軌來同億載永

升恒之頌寶文曰

仁憲恪順誠惠純淑端禧皇太后之寶

康熙三十六年七月大學士等以平噶爾丹請上

皇太后壽康顯寧徽號奉

皇太后懿旨皇帝懋建鴻勳予不勝忻悅際此昌期予心

慰矣尊加徽號向雖有例並非斷不可已者著停止我

心始安

恭上

孝惠仁憲端懿純德順天翼聖章皇后尊諡冊文曰禮隆

耐配將申假

廟之誠義極顯揚特重崇

親之典奉明禋而有恪熙

鴻號以無窮欽惟

皇妣大行皇太后

儷天體順

應地含章鍾渭涖之殊靈繼蜀山之盛軌歸我

世祖章皇帝克襄內治每持敬慎之小心允協坤成實稟

肅雝之令則訓掖庭以節儉躬屯練衣率嬪御以勤勞

心親織室迨乎奉事

太皇太后重闈櫛縫日問

長信之安

內殿羹湯時視大官之膳閱歲年而罔懈繫仁孝之風成

六宮被

慈惠之恩感深

聖善四海享

和恒之福慶衍昇平展祀瑤齋事虔修夫蘋藻流光玉牒

化徧洽於睢麟自惟勿冲備蒙

顧復追憶

昭隆之德已閱兩朝載懷

尊養之忱聿周五紀謂遐齡之永錫詎

仙馭之遽升逮及無期哀摧至極緬思

皇朝文獻通考 卷二百四十
懿行欲宣述以何由式奉
遺規竭形容而莫罄用咨羣議敬告

三靈謹奉冊寶上

尊諡曰

孝惠仁憲端懿純德順天翼聖章皇后於戲考閔宮之樂

頌長發其祥嗣京室之徽音克昌厥後伏冀

慈靈曲眷

神貺斯憑典冊常新等球圖而並重隆名罔極與日月以

齊懸炳耀琅函輝華彤管

恭加上

孝惠仁憲端懿慈淑純德順天翼聖章皇后尊諡冊文曰

懿德垂休美報宜隆於奕世

聖慈積慶

鴻名自耀於億年禮莫重於追崇義必先於報本彝章式

煥典冊丕昭欽惟

孝惠仁憲端懿純德順天翼聖章皇后

淑慎溫恭

含弘光大佐

世祖以敷政內治勤修事

文母以承歡孝思維則精誠罔懈潔

九廟之蘋蘩謙抑自持率六官以節儉撫

聖祖於沖幼端

母教於掖庭歷六十四載之恩勤

仁慈備至合千八百國之推戴

尊養兼隆緬企

前徽彌思

厚德宮闈顧復瞻

色笑以長依禁籞趨承溯

音容而如昨益諸福咸備已徵保定之符而

慈教長垂愈衍昇平之慶茲丕基之是纘正顯號之宜崇

謹奉冊寶恭上

尊諡曰

孝惠仁憲端懿慈淑純德順天翼聖章皇后伏冀

坤靈默佑

福履永綏介繁祉於無疆錫弘庥於勿替

恭加上

孝惠仁憲端懿慈淑恭安純德順天翼聖章皇后尊諡冊

儷乾作則啟萬年有道之長

體異流徽衍奕世無疆之慶晉金函而煥彩崇鴻號以揚

芬欽惟

孝惠仁憲端懿慈淑純德順天翼聖章皇后

柔靜凝麻

溫恭著範

佐天以壽

世祖而勤內治式贊太平

事

父母以展孝思聿隆

尊養潔蘋蘩於

九廟念切精誠親澣濯於六宮身先節儉撫

聖祖於幼冲之日竭

慈覆於顧復之餘六十四年備恩勤之

至德千八百國合愛戴之歡心惟和氣以致祥畢臻諸福

人信

皇朝文獻通考卷二百四十一
仁人之多壽克享大年當

淑景方長

皇考猶獲瞻夫色笑今恩暉遙荷眇躬正合致夫尊崇典

禮維新顯揚益切謹奉冊寶增上

尊諡曰

孝惠仁憲端懿慈淑恭安純德順天翼聖章皇后伏冀

慈靈降鑒

厚德貽庥綿百世之本支佑萬邦之安阜

孝康章皇后佟佳氏少保都統承恩公佟圖賚女爲

世祖妃誕育

聖祖

聖祖登極康熙元年十月丙卯恭上

聖母孝康章皇后

尊號

徽號曰

慈和皇太后二年二月庚戌崩五月甲午恭上

尊諡曰

孝康慈和莊懿恭惠崇天育聖皇后九年五月丙辰加上

尊諡曰

孝康慈和莊懿恭惠崇天育聖章皇后雍正元年八月己

酉加上

尊諡曰

孝康慈和莊懿恭惠溫穆崇天育聖章皇后乾隆元年三

月乙巳加上

尊諡曰

孝康慈和莊懿恭惠溫穆端靖崇天育聖章皇后

恭上

慈和皇太后徽號冊文曰德弘實祚啟萬年顯世之符禮

重徽稱合四海尊親之戴喜諧禁籙慶溢寰區欽惟

聖母仁稱乾始道合坤貞秉

淑範而襄內治化洽宮庭誕眇躬而纘鴻圖恩深顧復仰

慈仁之備至宜尊養之兼隆載考

彝章晉崇

鴻號謹告

天

地

皇朝文獻通考 卷二百四十一
宗廟

社稷率諸王貝勒文武羣臣恭奉冊寶上

徽號曰

慈和皇太后伏願嘉祥駢集茂祉愈增昭令聞而卜世卜

年迓休徵而彌昌彌熾寶文曰

慈和皇太后之寶

恭上

孝康慈和莊懿恭惠崇天育聖皇后尊諡冊文曰慈恩罔
極報莫殫夫追崇厚德難名號宜尊乎顯懿用表無前

之美以彰不匱之恩中外咸孚典儀惟備欽惟

皇妣大行慈和皇太后淑慎柔嘉溫恭慈惠飭躬靜好流

藹吉之徽音逮下雍和著肅離之雅化內承

皇考匡贊惟勤上奉

重闈虔恭匪懈眇躬纘緒方申尊養之忱鸞馭升遐遽結

終天之慕仰惟盛德宜薦鴻名載考舊章博咨公議謹

奉冊寶上

尊諡曰

孝康慈和莊懿恭惠崇天育聖皇后伏冀

慈靈昭格

彝典懋膺益弘佑啟之仁永衍邦家之慶

恭加上

孝康慈和莊懿恭惠溫穆崇天育聖章皇后尊諡冊文曰
慈範丕昭厚德衍無疆之慶

慈音廣被深仁開有道之長稽鉅典以尊崇奉鴻名而揚
屹金函煥彩玉冊增輝欽惟

孝康慈和莊懿恭惠崇天育聖章皇后

坤順同符

乾元協撰

著幽閒之度禁掖流芳

建雍肅之儀官廷起化

克宣內治精誠而潔蘋藻

奉事

重闈愉悅而勤問視

躬節儉以昭令則澣濯成風本愷悌以布弘庥慈祥及物

篤生我

聖祖仁皇帝誕應昌期毓成

皇朝文獻通考 卷二百四十一
至德集萬方之愛戴慶五紀之昇平當續成伊始之年正
尊顯宜隆之日仰體

孝思於下匱繼述維殷緬懷
懿德於無窮顯揚益切謹奉冊寶增上

尊諡曰

孝康慈和莊懿恭惠溫穆崇天育聖章皇后伏冀

慈眷加隆純禧游至莫清寧於四海貽昌熾於萬年

恭加上

孝康慈和莊懿恭惠溫穆端靖崇天育聖章皇后尊諡冊

文曰

懿德丕昭令則常垂於百世

聖慈廣被鴻名永耀於萬年播彤管以增輝奉瑤函而煥

晴彩欽惟

孝康慈和莊懿恭惠溫穆崇天育聖章皇后

道協坤元

功符乾運動修壺政早起化於官庭懋著

母儀永流徽於禁掖

九廟之蘋蘩致潔克秉精誠

重闈之問視時殷聿彰仁孝躬行節儉深宮成澣濯之風
親贊太平厚德啟綿長之瑞篤生我

聖祖仁皇帝誕應苞符毓成
聖德萃愛戴於億千萬國享昇平者六十餘年泊眇躬纂
緒之初正鉅典崇徽之日福鍾善慶緬

懿訓於無窮禮重顯揚致孝思於不匱謹奉冊寶增上

尊諡曰

孝康慈和莊懿恭惠溫穆端靖崇天育聖章皇后伏冀
純禧孔固

慈佑彌隆永貽昌熾之祥長啟和恒之福

孝恭仁皇后烏雅氏承恩公威武女誕育

世宗康熙十八年十月甲戌封

德嬪二十年十二月己亥晉封

德妃六十一年十一月

世宗憲皇帝登極是月癸卯

諭禮部恭上

聖母

皇太后尊號十二月乙卯禮部會同王大臣等恭擬

皇太后尊號曰

仁壽皇太后奉

諭旨所奏是本日以應行典禮具奏

皇太后不允諸王大臣復奏恭請

皇太后允上

尊號以慰

聖主孝思以副臣民仰望奉

諭旨諸王大臣奏請一疏朕親呈

皇太后再三叩求奉

皇太后懿旨皇帝及諸王大臣援引舊曲懇切求請予亦

無可如何知道了

雍正元年正月壬寅

諭總理事務王大臣等

母后誕育朕躬纘承大統謹考彝章請上

尊號

母后以

皇考山陵之禮未畢不忍卽受

尊稱前據諸王大臣合辭虔請敬上

皇朝文獻通考 卷二百四十一
仁壽皇太后尊號援引舊典敦請再三始蒙

慈允今恭上

冊

寶典禮亟應舉行

母后聖意仍欲遲遲其應於何時舉行總理事務王大臣

會同禮部九卿確議具奏尋議奏俟

聖祖仁皇帝山陵事畢選擇吉期恭上

冊

寶五月辛丑崩八月己未恭上

尊諡曰

孝恭宣惠溫肅定裕慈純贊天承聖仁皇后乾隆元年三月乙

巳加上

尊諡曰

孝恭宣惠溫肅定裕慈純贊天承聖仁皇后

恭上

仁壽皇太后徽號冊文曰

慈範丕昭四海合尊親之戴

鴻稱敬晉萬年啟垂裕之祥宮籙歡騰寰區慶溢欽惟

聖母功符厚載道協資生本愷悌之淵衷慈祥逮下秉溫
恭之令則淑慎持躬至孝至仁奉

重闈而晨昏將敬克勤克儉處內殿而澣濯揚休
雅化洽於周詩備貞靜幽閒之度

令德敷於坤教極恩勤顧復之勞事
皇考而內治克勳徽音久著逮眇躬而鴻圖是纘鉅典宜

隆聿申尊養之忱特進顯揚之號謹告

天 地

宗廟

社稷率諸王貝勒文武羣臣恭奉冊寶上

徽號曰

仁壽皇太后伏願

純禧天錫

景福川長紫極凝庥與升恒而俱永彤闈集慶並高厚以

無疆寶文曰

仁壽皇太后之寶

臣等謹案雍正元年

世宗憲皇帝率羣臣恭上

仁壽皇太后尊號敬遵

慈諭下所司議奏俟

聖祖仁皇帝山陵事畢諏吉舉行是年五月

仁壽皇太后升遐未及舉行典禮而大儀具備

冊

寶煌煌並煥

天府天下臣民仰見

憲皇帝篤孝之誠而

聖母謙尊之德益萬古爲昭矣

恭上

孝恭宣惠溫肅定裕贊天承聖仁皇后尊諡冊文曰

母儀正位仁風誕播於八方

壺德流輝寶訓永垂於萬世進

徽稱於

清廟玉冊爰新議典禮於容臺彤編式煥欽惟

皇妣大行皇太后華渚炳靈慶都凝瑞

秉含宏之淑性應地安貞

皇朝文獻通考 卷二百四十一
樹雖肅之芳型儷天作則

贊襄內治逮誓御以加恩

輔佐

先皇自宮庭而起化寬仁夙著宵食德而飲和樸素攸崇
務去奢而從儉荷生成於

聖母誕育眇躬極

尊養於慈闈未酬厚載上推崇之號允諧萬國歡心執謙
讓之衷堅却百僚敦請

音容倏隔戀慕實深茲當

升祔之辰莫罄

顯揚之悃嘉言懿行永懷至德於坤元琬刻瑤稜肅薦明
禋於闕寢謹奉冊寶恭上

尊諡曰

孝恭宣惠溫肅定裕贊天承聖仁皇后伏冀

默扶景祚

宏衍慶源啟後人紹衣之圖克承克繼導寰宇履鴻之祉

俾熾俾昌

恭加上

皇朝文獻通考

卷二百四十一

星

孝恭宣惠溫肅定裕慈純贊天承聖仁皇后尊謚冊文曰
慈範丕昭奕世衍無疆之慶

徽音廣被萬年垂至德之光稽鉅典以加崇奉
鴻名而致頌金函煥彩玉冊增輝欽惟

孝恭宣惠溫肅定裕贊天承聖仁皇后
順應乾行

厚同坤載

佐憂勞於夙夜克贊

宸猷

樹肅穆於宮庭聿宣

壺教撫謙爲度共傳

溫惠之風秉恕居心羣荷

寬仁之澤恪勤內職精誠而潔治蘋蘩孝養

重闈愉惋而躬親問視篤生我

世宗憲皇帝誕應昌期毓成

至德正集萬方之愛戴俄驚一旦之遐升爰奉

徽稱敬昭令則暨眇躬之續緒彌追痛於含飴仰體

孝思方當尊禮攸隆之日緬懷

懿訓益切顯揚莫罄之忱謹奉冊寶增上

尊諡曰

孝恭宣惠溫肅定裕慈純贊天承聖仁皇后伏冀

陟降在茲

鑒觀不遠永佑綿長之祚式開昌熾之符

孝聖憲皇后鈕祜祿氏承恩公凌柱女誕育

聖躬雍正元年十二月丁卯封

熹妃晉號

貴妃十三年九月

皇上登極十二月戊寅恭上

聖母孝聖憲皇后

尊號

徽號曰

崇慶皇太后乾隆二年十二月甲午以

冊立

皇后加上

徽號曰

崇慶慈宣皇太后十四年四月乙酉以平金川加上

徽號曰宣康惠皇太后十四年四月己酉以平金川賊土

崇慶慈宣康惠皇太后十五年八月癸酉以

冊立

皇后加上

徽號曰宣康惠皇太后二十二年甲子以

崇慶慈宣康惠敦和皇太后十六年十一月乙酉以

皇太后萬壽加上

徽號曰宣康惠皇太后

崇慶慈宣康惠敦和裕壽皇太后二十年六月己酉以平

準噶爾加上

徽號曰宣康惠皇太后二十六年十一月

崇慶慈宣康惠敦和裕壽純禧皇太后二十六年十一月

甲午以五民與南順三日壬午恭上

皇太后萬壽加上

徽號曰

崇慶慈宣康惠敦和裕壽純禧恭懿皇太后三十六年十

月丙辰以

皇太后萬壽加上

徽號曰

崇慶慈宣康惠敦和裕壽純禧恭懿安祺皇太后四十一

年五月辛未以平定金川加上太皇太后五十六

徽號曰

崇慶慈宣康惠敦和裕壽純禧恭懿安祺寧豫皇太后四

十二年正月庚寅崩三月壬午恭上

尊諡曰

孝聖慈宣康惠敦和敬天光聖憲皇后

恭上

崇慶皇太后徽號冊文曰

慈恩垂裕九重隆尊養之儀

鴻號揚庥萬國仰崇高之福歡騰宮壺慶溢寰瀛欽惟

聖母皇太后德協坤元功符地載寬仁逮下溥惠愛之宏

慈淑慎持躬著溫恭之令範承

皇考而贊襄內治儉勤昭澣濯之風鞠躬而備篤

母儀言動示詩書之教屬丕基之肇續忻福履之方長仰

荷

恩勤敬稽盛典合四海以致養期永奉夫

崇徽總百祿以承歡冀溥沾夫慶澤肅循經禮虔展悃忱

謹告

天

地

宗廟

社稷率諸王貝勒文武羣臣恭奉冊寶上祈惠愛之

徽號曰

崇慶皇太后伏願

純嘏茂膺

壽祺多益彤庭寶冊鴻名並高厚以無疆紫極春暉愛日

與升恒而俱永寶文曰

崇慶皇太后之寶

恭上

崇慶慈宣皇太后徽號冊文曰

慈恩裕慶集介福於璇圖

懿德垂床音鴻稱於金篆寔區仰戴宮禁騰歡欽惟

聖母崇慶皇太后陛下資生合撰厚載同符端萬國之

母儀仁風普洽正重闡之

慈範惠愛覃敷恭儉流徽媿漢家之明德恩勤示教邁宋
室之慈仁惟隆顯懿之名益煥尊崇之典茲者伏承

明訓授冊中宮蒙
慶澤於彤闈彝章肇舉嗣

徽音於蘭殿純嘏彌昌肅展盛儀恭申忱悃謹告

天

地

宗廟

社稷率諸王貝勒文武羣臣恭奉冊寶加上

徽號曰

崇慶慈宣皇太后伏願

愛日凝禧

康齡錫福升恒共慶春暉瑞靄堯門慈孝相承坤德仁周

禹甸寶文曰

崇慶慈宣皇太后之寶

恭上

崇慶慈宣康惠皇太后徽號冊文曰

慈恩垂訓萬方蒙樂利之庥

皇朝文獻通考 卷二百四十一
鴻號加崇四海仰尊榮之福歡騰宮掖慶溢寰瀛欽惟

聖母崇慶慈宣皇太后陛下德協資生功同厚載視躬恭

儉

儀型式播於家邦逮下寬仁

惠澤廣宣於中外承

歡內殿藐躬久荷恩勤視膳璇宮

慈教常殷啟迪近以西川之用武尤煩夙夜之縈懷仰邀

懿訓之詳克致膚功之建邊疆永靖實為

宗社之光弓矢載櫜允屬生靈之慶我國家無疆之祉其

在於斯惟

聖母莫大之慈以克臻此茲者合外廷之喜頌祇上

崇徽賁中闡之榮封適逢吉日敬稽經禮虔展悃忱謹告

天

地

宗廟

社稷率諸王貝勒文武羣臣恭奉冊寶加上

徽號曰

崇慶慈宣康惠皇太后伏願

純禧茂集

多福誕膺煥寶冊於彤庭偕日升月恒而並曜藹春暉於

紫極與天高地厚而俱長寶文曰

崇慶慈宣康惠皇太后之寶

恭上

崇慶慈宣康惠敦和皇太后徽號冊文曰

慈教勤敷厚德普八紘而徧覆

崇徽廣播休光合萬國以同瞻喜溢宮庭歡騰海宇欽惟

聖母崇慶慈宣康惠皇太后陛下德洽坤元功符地載

持躬淑慎家邦仰

懿範之昭逮下寬慈中外沐

仁風之被

恩勤備至生成荷鞠育之勞

訓誨有加樂利錫寰區之福屬中宮之成禮慶典增輝忻

派長樂之凝祥

慈闈有喜問安內殿修常職於晨昏視膳璇宮奉

怡顏於盟饋合九州而致養正逢悅豫之期總百祿以承

歡宜極尊崇之典肅循經禮虔展悃忱謹告

皇朝文獻通考 卷二百四十一
天 鴻宣慈宣康惠敦和皇太后
地 崇慶慈宣康惠敦和皇太后
宗廟 旨 崇慶慈宣康惠敦和皇太后
社稷 率 諸王貝勒文武羣臣恭奉冊寶加上

徽號曰 崇慶慈宣康惠敦和皇太后

崇慶慈宣康惠敦和皇太后伏願
壽愷凝禧升恒介祉寶冊共星雲而並煥福履常綏鴻名

彈偕天地以無疆春暉益永寶文曰

崇慶慈宣康惠敦和皇太后之寶

恭上

崇慶慈宣康惠敦和裕壽皇太后徽號冊文曰

鴻慈式訓一人承啟迪之隆

厚德凝祥八表效尊親之戴歡騰中壺慶溢寰區欽惟

聖母崇慶慈宣康惠敦和皇太后陛下地道同符坤元合

撰化孚宮掖敦禮教而範著璇闈治洽邦家沛仁施

而惠周瀛海

恩深鞠育仰蒙顧復之勤念切瞻依宜備欽崇之典荷

春暉之普照序啟陽和欣

壽域之宏開律諧長至六旬初度恰六花獻瑞之辰萬福
攸同正萬國來朝之候捧霞觴而跪進並申嵩嶽之
呼侍

翠輦以扶趨齊上瑤池之祝合九州而致養永戴

慈雲總百祿以承歡溥沾愷澤敬稽經典虔展悃忱謹告

天

地

宗廟

社稷率諸王貝勒文武羣臣恭奉冊寶加上

徽號曰

崇慶慈宣康惠敦和裕壽皇太后伏願

純禧茂集

嘉祉駢臻遐齡綿有道之長寶冊偕日星並煥篤祐迓無

疆之祚徽章與高厚常昭寶文曰

崇慶慈宣康惠敦和裕壽皇太后之寶

恭上

崇慶慈宣康惠敦和裕壽純禧皇太后徽號冊文曰

聖慈衍慶版章式廟於遐方顯號揚休尊養丕崇於寰海

本至德而膺多福保佑自天備純嘏而炳鴻文安貞
應地歡騰朝野喜溢宮庭欽惟

聖母崇慶慈宣康惠敦和裕壽皇太后陛下德協資生功

符厚載肅雍宣化流

慶譽於黃裳誠敬垂型懋

徽音於蒼籙璇官視膳長荷

洪仁蘭殿承歡恒聆

懿訓近以遠夷欵附絕塞蕩平萬里犁庭道左有壺漿之

獻半年奏凱師中無矢石之勞實邀

慈廕之宏敷克致膚功之迅奏鞏萬載不拔之業兵氣都

消闢百年未集之圖邊塵胥靖臣民稽首僉謂天家

不世之功中外輸誠咸曰

聖母無疆之慶台輿情而祝嘏祇上

徽稱賁冊府之光華敬諏吉日載稽禮制肅展悃忱謹告

天

地

宗廟

社稷率諸王貝勒文武羣臣恭奉冊寶加上

徽號曰

崇慶慈宣康惠敦和裕壽純禧皇太后瑞叶丹圖

慈慶滂流於海宇祥徵綠字奎章炳煥於星辰誠亘古之隆規而普天之盛典伏願琅函永煥寶牒常輝崇燕喜於日月山川蕃禧屢錫被鴻名於圭璋琬爰景貺頻臻受百千國來享之文六合均膺晉福垂億萬年無疆之裕八荒咸頌坤儀寶文曰

崇慶慈宣康惠敦和裕壽純禧皇太后之寶

乾隆二十四年十月壬寅王大臣等以平定回部

請加上

皇太后徽號

上諭敬惟辛巳歲恭逢

聖母皇太后七十萬壽慶辰鉅典鴻儀舉行伊邇茲以膚

功既奏上慰

慈懷已於長至節宣表稱賀推

恩展禮稠疊便蕃其崇上

尊號宜以普天

大慶時敬謹恭擬再行奏請

懿旨諸王大臣其明體朕意

恭上

崇慶慈宣康惠敦和裕壽純禧恭懿皇太后徽號冊文曰
瑤樞垂曜普天樂化目之長
寶冊凝徽薄海仰慈雲之蔭祝九如之

純嘏舞效嵩呼合六字之歡心誠孚葵向恩覃中外慶洽

邦家欽惟

聖母崇慶慈宣康惠敦和裕壽純禧皇太后陛下德合安
貞功符厚載純粹中正垂內教於椒庭富壽康寧集

殊祥於箕範

大安祇奉羣嶽恭穆之型

長樂早朝每領寬仁之訓廿六載疇咨政治稟

懿訓以維勤二萬里式廓暇章承

慈麻以徧被茲屆七旬之大慶怡鄰南至之嘉辰玉琯迎

陽三百六旬之干支伊始

璇闈迪吉億萬斯年之福祿逾增璧合珠聯紀瑞聿徵於

元日天花法雨延

釐遙應乎文殊獻益地之瑤圖來從懸圃奏鈞天之廣樂

皇朝文獻通考 卷二百四十一
響叶仙韶

翠輅親扶荷

春暉之久照霞觴跪捧樂湛露之均霑惠澤浹於寰中齊

上延洪之頌尊養隆以天下宜加

顯懿之稱庸定彝章虔申忱悃謹告

天

地

宗廟

社稷率諸王貝勒文武羣臣恭奉冊寶加土

徽號曰

崇慶慈宣康惠敦和裕壽純禧恭懿皇太后伏願

修齡永茂

嘉祉丕膺申錫無疆與清寧而並壽含章有慶昭符瑞以

常新寶文曰

崇慶慈宣康惠敦和裕壽純禧恭懿皇太后之寶

恭上

崇慶慈宣康惠敦和裕壽純禧恭懿安祺皇太后徽號冊

文曰

璇闈錫美德施昭曼壽之徵

蘭殿敷慈福集紀鴻名之媿際自古希聞之

大慶祥軼義軒晉從今遞積之

徽稱音揚任姒孚歡陬澨洽喜清寧欽惟

聖母崇慶慈宣康惠敦和裕壽純禧恭懿皇太后陛下厚

德頤恬繁禧垂裕禔源昌熾履箕範之斂敷順氣彌

綸協坤輿之光大天開

聖節景迓長春欣八表之崇登祝

萬年之介祉豐遵

懿訓寅奉

怡顏依愛日以循陔舞綵逮六旬以上載春暉而負展乖

衣臻三紀於茲膝繞雲初臚嘉祥於五世野多耄耋

開

壽宇於八方有慶則兆民同尊

親以天下養頌賡徧德疊蠲二稅以阜成雅咏作人聯啟

兩闈而彙吉四言下管新苞茂之

瑤宮萬歲呼嵩掖省巡之

翟輅維錫類承

歡之茂集總合羣黎百姓之心凡家慶國瑞之駢臻皆由
聖母一人之福載稽舊典式備多儀制更重於祥金禮特
隆夫嘉玉用宜延喜珍來西母之瑄環矧乃象功貢
底闔河之珍璧彝章肇定

顯號游加謹告

天

地

宗廟

社稷率諸王貝勒文武羣臣恭奉冊寶加上

徽號曰

崇慶慈宣康惠敦和裕壽純禧恭懿安祺皇太后肅布愉

悰虔申祈頌繹象辭之應地安乃永貞次詩什於生

民祺惟介景捧瑤箋而獻籙陳芝牒以迎

輦伏願

純嘏長綏

第康彌劬律生萬事之木八暢元音籌添億歲之盈十基

積數從此京垓演策川長山壽躋悠久於坤元章節

引年日升月恒並增興於天保寶文曰

崇慶慈宣康惠敦和裕壽純禧恭懿安祺皇太后之寶

恭上

崇慶慈宣康惠敦和裕壽純禧恭懿安祺寧豫皇太后徽

號冊文曰

堯門啟瑞樞光昭耆定之模

妣幄基祥併廕衍昇平之慶頌孚海宇忭集臣鄰欽惟

聖母崇慶慈宣康惠敦和裕壽純禧恭懿安祺皇太后性

下

聖裕徽音

福徵厚德

尊親並載合萬國以臚歡

名壽兼隆臻億齡而履順茲值金川之底績爰陳

瑤牒以告勳溯彼蠻觸構爭始猶寬其齊斧繼乃驅狼肆

抗終難遁其威弧揚兩路之先聲兵非得已簡八旗

之勁旅勇且知方越險摧堅不啻功成百戰搗巢翻

穴於斯事歲五年予小子籌筆辛勤每塵

慈詢之垂念師武臣劇旌勞勩克馳捷奏以慰

懷兵銷騰日月之光升恒祝

聖朝之慶... 卷二百四十一

親宜晉

鴻稱用崇

燕喜精粼聯珏稽朝家隆重之儀嘉璽珞玕中外嘔吁

之願謹告

天

地

宗廟

社稷率諸王員勒文武羣臣恭奉冊寶加上

徽號曰

崇慶慈宣康惠敦和裕壽純禧恭懿安祺寧豫皇太后禹

捧

芝函虔申葵悃繹箕疇之來備是曰

康寧演羲畫之利行實惟

豫順

懿美式彰夫蒼籙

蕃釐允迓乎琅編伏願

道契安貞

性彌愷樂聞

昌符於金石寶爰恒新熙

洪號於垓垓蘿圖益煥常來王而常來享共球同紀躬篇
莫不興而莫不增川岳常賡周雅寶文曰

崇慶慈宣康惠敦和裕壽純禧恭懿安祺寧豫皇太后之
寶

恭上

孝聖慈宣康惠敦和敬天光聖憲皇后尊諡冊文曰
崇儀告備薦玉冊以申虔

懿行垂光勒琅函而闡實報劬勞之

厚德禮洽馨聞嚴對越之

鴻名義隆睿作欽惟

皇妣大行皇太后

順體天經

化彰人極

萱庭示範仰宮中之有

聖人瑤甸歸仁臨天下而爲

大母自流徽於京室荷篤慶於藐躬億兆騰歡萃萬方爲

尊養曾元衍瑞裕

五世以融怡緬

義訓之常昭洵颺言之莫罄賁

鳳綸而賜復澤及苒蓬扶

翟輅以觀民呼兼嵩岱益圖旅賀來庭之鵜鰈駢臻偃伯

承

禧絕徼之干戈並戢是皆

慈暉普照覃嶽澥而含和用能

純履康綏麗乾坤而集福憶昨者金泥絢祝十八字疊演

箕疇冀來茲寶爰鐫華億萬齡垂增姬算惟愛景情

殷

顧復依旬之臚頌何窮宜

慈躬祉懋升恒晉冊之揚休未艾何

升遐之忽邁竟攀慟之難追率土纏悲終天銜恤當

尊稱於殷禮念形容無得而名稽

上謚於周書極擬議於斯為盛有孝實原有德本百行於

地天乃聖即協乃神媿獨隆於堯舜一詞莫贊敢憑

素悃以追攀萬世為公並詢僉言而咸翕爰遵彝典

請命於

天譚奉冊寶上

尊諡曰

孝聖慈宣康惠敦和敬天光聖憲皇后於戲溯

璇闈徽音大行宜特隆冠古之聲頌

清廟昌後燕天庶稍展崇未艾河

親之悃伏冀

神靈式妥

陟降在茲文琬貽型抒慕誠之用極彤毫述德荷申錫於

無疆宏啟嘉符茂昌景祚謹言

臣等謹按馬端臨通考上皇太后尊號儀注載皇

太后門五朝續通考則以此類禮儀皆王禮也仍

王圻本移入王禮考今從之

皇朝文獻通考 卷二百四十

皇朝文獻通考卷二百四十



